



Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), a u vezi s članom 108. stav (5) Zakona o zrakoplovstvu Bosne i Hercegovine („Službeni glasnik BiH“, br. 39/09 i 25/18) i zaključkom sa 17. sjednice Vijeća ministara Bosne i Hercegovine, održane 5. 7. 2023. godine, te u skladu sa Odlukom o raspisivanju javnog poziva za podnošenje prijave za uvrštavanje na listu istražitelja za provođenje istrage zrakoplovnih nesreća i ozbiljnih incidenata broj: 04-02-2-2918/23 od 13. 11. 2023. godine i broj: 04-02-2-2918-1/23 od 08. 12. 2023. godine, Ministarstvo komunikacija i prometa Bosne i Hercegovine objavljuje

JAVNI POZIV
ZA PODNOŠENJE PRIJAVA ZA UVRŠTAVANJE NA LISTU ISTRAŽITELJA ZA
PROVOĐENJE ISTRAGE ZRAKOPLOVNIH NESREĆA I OZBILJNIH INCIDENATA

I PREDMET JAVNOG POZIVA

Predmet javnog poziva je utvrđivanje liste istražitelja za provođenje istraga zrakoplovnih nesreća i ozbiljnih incidenata sa koje će se, shodno potrebi, imenovati komisija/istražitelj za provođenje istrage, a u skladu s članom 108. stav (5) Zakona o zrakoplovstvu Bosne i Hercegovine („Službeni glasnik BiH“, br. 39/09 i 25/18).

II UVJETI ZA UVRŠTAVANJE NA LISTU ISTRAŽITELJA

Na listu istražitelja za provođenje istraga zrakoplovnih nesreća i ozbiljnih incidenata uvrštava se svaki podnositelj prijave koji ispunjava sljedeće opće i posebne uvjete:

1. OPĆI UVJETI:

- a) da je državljanin Bosne i Hercegovine,
- b) da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja javnog poziva,
- c) da se na njega ne odnosi član IX.1. Ustava Bosne i Hercegovine,
- d) da protiv njega nije pokrenut krivični postupak za krivično djelo za koje je predviđena kazna zatvora tri ili više godina.

2. POSEBNI UVJETI:

- a) da ima završen fakultet najmanje VII/1 stepen, odnosno visoko obrazovanje po Bolonjskom sistemu obrazovanja sa najmanje 180 ECTS bodova,
- b) posjedovanje pilotske dozvole najmanje CPL ili dozvole kontrolora zračnog saobraćaja najmanje sa ovlaštenjem APP ili posjedovanje sertifikata o završenim obukama iz oblasti zrakoplovstva (letačke operacije, plovidbenost zrakoplova, upravljanje zračnim saobraćajem, licenciranje zrakoplovnog ovlaštenog osoblja, aerodromi, zrakoplovna meteorologija i zrakoplovna medicina),
- c) da ima praktično iskustvo u oblasti civilnog zrakoplovstva u trajanju od najmanje pet (5) godina i to u oblastima: letačke operacije, plovidbenost zrakoplova, upravljanje zračnim prometom, licenciranje zrakoplovnog ovlaštenog osoblja, aerodromi, zrakoplovna meteorologija i zrakoplovna medicina,
- d) da mu nije izrečena mjera zabrane ili druga upravna mjera u postupku inspekcijskog nadzora provedenog od Direkcije za civilno zrakoplovstvo Bosne i Hercegovine.

III PRIJAVNI OBRAZAC

Kandidat prijavu podnosi isključivo na prijavnom obrascu koji je dostupan na službenoj internetskoj stranici Ministarstva komunikacija i prometa Bosne i Hercegovine www.mkt.gov.ba u rubrici "Oglasi" i u prostorijama Ministarstva komunikacija i prometa Bosne i Hercegovine - kancelarija broj 401/IV, Trg Bosne i Hercegovine br. 3, 71 000 Sarajevo.

IV POTREBNI DOKUMENTI

Kandidat je dužan, uz popunjenu i svojeručno potpisani prijavni obrazac (iz tačke III), u originalu ili kao ovjerenu fotokopiju dostaviti sljedeće dokumente:

- a) uvjerenje o državljanstvu (ne starije od šest mjeseci od dana izdavanja od nadležnog organa),
- b) izjavu da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja javnog poziva (ovjerena od nadležnog organa ne starija od tri mjeseca),
- c) izjavu da se na njega ne odnosi član IX.1. Ustava Bosne i Hercegovine (ovjerena od nadležnog organa ne starija od tri mjeseca),
- d) uvjerenje o nevođenju krivičnog postupka (izdato od nadležnog suda ne starije od tri mjeseca),
- e) univerzitetsku diplomu (nostrificiranu/priznatu diplomu, ukoliko fakultet nije završen u Bosni i Hercegovini ili je diploma stečena u nekoj drugoj državi nakon 6. 4. 1992. godine). Kandidat je u obavezi dostaviti diplomu prvog ciklusa (ili osnovnog dodiplomskog studija), bez obzira na uvjete javnog poziva, osim za integrirane studije kod kojih je potrebno dostaviti i dokaz da se radi o integriranom studiju, ako to nije vidljivo iz same osnovne diplome, dodatka diplomi ili rješenja o nostrifikaciji/priznavanju dodatka diplome za kandidate koji su visoko obrazovanje stekli po Bolonjskom sistemu studiranja; izuzetno, samo u slučaju da visokoškolska ustanova dodatak diplomi nije uopće izdavala, niti za jednog diplomca, kandidat je dužan da uz ovjerenu fotokopiju univerzitetske diplome dostavi uvjerenje visokoškolske ustanove da dodatak diplomi nije uopće izdat, niti za jednog diplomca,
- f) pilotsku dozvolu najmanje CPL ili dozvolu kontrolora zračnog saobraćaja najmanje sa ovlaštenjem APP ili sertifikat o završenim obukama iz oblasti zrakoplovstva (letačke operacije, plovidbenost zrakoplova, upravljanje zračnim saobraćajem, licenciranje zrakoplovnog ovlaštenog osoblja, aerodromi, zrakoplovna meteorologija i zrakoplovna medicina),

- g) potvrdu, uvjerenje, certifikat ili drugu adekvatnu ispravu kao dokaz o traženoj vrsti iskustva u oblasti civilnog zrakoplovstva u trajanju od najmanje pet (5) godina, i to u oblastima: letačke operacije, plovidbenost zrakoplova, upravljanje zračnim prometom, licenciranje zrakoplovnog ovlaštenog osoblja, aerodromi, zrakoplovna meteorologija i zrakoplovna medicina, izdate od institucija/organizacija u kojima je kandidat stekao traženo iskustvo,
- h) potvrdu kao dokaz da kandidatu nije izrečena mjera zabrane ili druga upravna mjera u postupku inspekcijskog nadzora provedenog od Direkcije za civilno zrakoplovstvo Bosne i Hercegovine, izdatu od strane Direkcije za civilno zrakoplovstvo Bosne i Hercegovine.

V ROK ZA DOSTAVLJANJE PRIJAVA

Rok za dostavljanje prijava zainteresiranih kandidata je 14. 01. 2024. godine.

Javni poziv za podnošenje prijava objavljuje se u sredstvima javnog informiranja i na službenoj internetskoj stranici Ministarstva komunikacija i prometa Bosne i Hercegovine.

VI NAČIN DOSTAVLJANJA PRIJAVA

Prijave i traženi dokumenti se dostavljaju u zatvorenoj koverti, putem poštanske službe preporučeno na adresu:

MINISTARSTVO KOMUNIKACIJA I PROMETA BOSNE I HERCEGOVINE
„Prijava na javni poziv za uvrštavanje na listu istražitelja za provođenje istrage
zrakoplovnih nesreća i ozbiljnih incidenata - NE OTVARATI“
TRG BOSNE I HERCEGOVINE br. 3, 71 000 SARAJEVO

VII NAPOMENE

Ispunjavanje uvjeta utvrđuje posebna komisija koju imenuje ministar komunikacija i prometa Bosne i Hercegovine. Na osnovu izvještaja komisije o ispunjenosti uvjeta, ministar komunikacija i prometa Bosne i Hercegovine donosi odluku o uvrštavanju na listu istražitelja za provođenje istraga zrakoplovnih nesreća i ozbiljnih incidenata.

S liste istražitelja ministar komunikacija i prometa Bosne i Hercegovine imenuje članove komisije za provođenje istraga zrakoplovnih nesreća i ozbiljnih incidenata zavisno od potreba istrage.

Utvrđivanje i isplata naknade članovima komisije za provođenje istraga zrakoplovnih nesreća i ozbiljnih incidenata vrši se u skladu s pravnim propisima koji uređuju ovu oblast.

Osobe koje su uvrštene na listu istražitelja za provođenje istraga zrakoplovnih nesreća i ozbiljnih incidenata dužne su proći obuku u organizaciji Direkcije za civilno zrakoplovstvo Bosne i Hercegovine koja obuhvata razumijevanje sadržaja i procesa provođenja sigurnosne istrage koji su neophodni za procjenu usklađenosti sa zakonima, propisima i drugim zahtjevima iz oblasti civilnog zrakoplovstva.

Osobe koje su uvrštene na listu istražitelja za provođenje istraga zrakoplovnih nesreća i ozbiljnih incidenata potpisuju izjavu o stavljanju na raspolaganje Ministarstvu komunikacija i prometa Bosne i Hercegovine za imenovanje u komisije istražitelja za provođenje istraga zrakoplovnih nesreća i ozbiljnih incidenata.

Svaki imenovani član komisije za provođenje istrage zrakoplovne nesreće i ozbiljnog incidenta prije izvršenja svakog pojedinog posla potpisuje izjavu kojom potvrđuje da nije u sukobu interesa u odnosu na istragu u kojoj je angažiran za obavljanje određenog posla.

Svaki imenovani član komisije za provođenje istraga zrakoplovnih nesreća i ozbiljnih incidenata dužan je obavijestiti Ministarstvo komunikacija i prometa Bosne i Hercegovine ukoliko se u toku istrage utvrdi postojanje sukoba interesa.

U slučaju utvrđivanja postojanja sukoba interesa imenovanog člana komisije za provođenje istraga zrakoplovnih nesreća i ozbiljnih incidenata, ministar komunikacija i prometa Bosne i Hercegovine donosi odluku o njegovom izuzeću iz komisije.

Ispunjavanje uvjeta utvrđenih ovim javnim pozivom računa se danom predaje prijave.

Neblagovremene, nepotpune i neuredne prijave, kao i fotokopije traženih dokumenata koje nisu ovjerene, neće se uzimati u razmatranje.

Broj: 04-02-2-2918-2/23

Sarajevo, 08.12.2023. godine

MINISTAR

Edin Forto s.r.